



影園瑤華集

下卷

廣陵鄭元勳超宗輯

元孫開基重梓

寄題影園

萬時華

聞君卜築帶高城
鷗地鳧天各性情
畫裏垂楊兼水澹
酒邊明月爲樓生
踏殘芳草前朝影
啞落官梅獨夜聲
一自瓊花蕭索後
此中花事屬康成

萬卷藏書十畝春
江山應不負文人
鶯羣狎客歸書聖
鷓鴣國忘天共酒
民隋帝簫聲寒入
夢漁郎花片夜

通津頻年莫道驚烽火閉戶誰知有晉秦

丁孚乾

爰大江西九江人

猶似臨風下筆時一邱一壑一經思綠楊影重春歸
早黃鳥聲多客散遲賸有幽心交石丈不將清課任
花師園林久即揚州夢此日相尋夢亦疑

遊影園賦

甘元鼎

禹符江西南昌人

率意沿溪寘草堂經營約畧影相望閒亭漫倚浮煙
迥仄徑初迴遠樹光蓬藿帶人成小隱鉛槧窮日足

餘糧過君且暫分泉石誰問名園是辟疆

同馮留仙兄弟影園探梅分得秋字

顧爾邁

勝向溪深選閒於歲晏偷寒花宜近水微雨尚疑秋
境想孤山妙人方二陸優百壺來不竭無用質霜裘

夏日飲影園賦贈二首

周正儒

御清宜興人

藹藹邗江郭蒹葭隱新構矯矯榱桷材譽出方城右
依依寤寐人涼風吹襟袖落落乾坤中肝膽歸同臭

景園五華集
千濤湧坐隅萬堞窗中逗魚鳥自來親雲霞天際走
臨風蘭氣盈把酒荷香侑交淡總無文忘筌應有究
吾黨貴乘時莫云石可漱千秋瞬息間何事多俛首
放眼入林臯願言消永晝

素心懷幽曠樂與良友親邗江七年別到此仍逡巡
選勝出南郭高誼過投輪清流寫幽磴危閣俯城闈
憑軒騁遊目怪石四窺人種松蒼虬舞移柏嫩條伸
坐客半年譜況多風雅倫初志已云協玉屑願同珍
奄西逞餘烈避席傍嶙峋巖城鳴柝蚤卜夜難留賓

揮手謝賢主驅車挹路塵

輕利船全孫大宣顧不盈赴超宗招影園看梅分

得七陽

梁于涘

牽艇尋幽壑溪廻野興長枝頭逢冷豔籬外正殘陽
東閣久成廢西園新貯香不須勞騎折扶杖立橫塘
其二

春氣動四野推蓬芳樹傍濃苞霞斂暈淺葢月生香
水國頻聞蘧花溪少鬪妝相期次第賞燕喜答韶光

其三

未着桃花引先教梅惹狂且緣春水綠寧避晚風涼
紅浸溪邊影清傳檻外香臨流增歎息我友不同行
捨舟登岼處竹裏裊紅香看眼經春靜吟魂攪夜忙
廣平心鐵石和靖月昏黃領畧前人外空香滿野航

其四

題影園

隱見樓臺草樹間竹門松逕覆花殷雖居近市殊深
谷却喜沿溪借遠山秋水月明人澹澹午窗風細夢

閒閒子真性僻耽幽勝不爲窺園靜掩關

其二

裁製溪山愜野情小亭虛閣散餘清纔通漁艇疑仙
路深鎖丹樓望化城花鳥午莊憐獨往詩書鄴架笑
浮名閒居回首風塵恨愁殺江南阮步兵

其三

主人自愛園林住醉醒煙蘿我獨知枕富秘書繙讀
蚤門稀俗客啓扉遲素琴老鶴能爲伴怪石新花巧
助思韋曲繁華習池酒可輸裴迪輞川詩

其四

每入區中咫尺迷花廊石竇草煙齊生成水樹無窮
碧久住林鷺自在啼元亮數盃山月小桓伊三弄嶺
雲低相從莫話西園勝日逐吟壇醉比泥

同飲光愚公集影園看芙蓉分賦

顧爾邁

一年花事東籬盡尚有茲花號拒霜顧影自憐同靜
女相思不語對寒塘棲飛願學鴛鴦竝貽贈何勞芍
藥將把酒與君加意護水邊留照美人妝

初夏集影園得二蕭十韻

李澹然

合肥人

水約舟來泛亭開綠見招蓬芽方茁茁谿曲共迢迢
雲學峰巒變鶯如笙管調薰將迴綺扇汗欲透輕綃
過舫香風近憑欄客思遙嘯舒登曝閣吟苦坐危橋
渴喜聞松籟顏憎上酒潮護苔斜履石潑墨半栽蕉
檀板無嘈切高堂對沈寥勝遊稱此夕歸夢亦超超

影園秋夜

丁孕乾

秋氣遙生曲逕松溪橋課酒石留蹤傳更未至魚先
覺簡字雖勤鶴易供三絕從來歸鄭子一毛今復見
超宗誰開水國經千里却借名園作附庸

北歸過影園同錢大鶴職方翫月是夕立秋

范景文

質公
吳橋人

恰當勝地又佳時暑去人來月與期空水亭爲開面
目新秋柳亦競腰肢園摹畫格形生影妙解歌情肉
并絲囑語蕭蕭翻別調登臨無事更傷離

錢位坤

大鶴
吳縣人

江風客鬢露如絲十里揚州與夢期背郭艸堂依月
好移家幽徑及秋宜

是日余下榻園內

官河衰柳當門樹隋

苑繁華隔岼枝不覺歌聲憐子夜煙綿城火望迷離

寄題影園

陳肇曾

昌基
福建侯官人

一水滌迴草樹繁行人呼作小桃源藏煙宿鷺荷千
頃叫月穿鷗柳萬屯種得好花通是圃生來古木榜
爲門廣陵絕勝知何處不說迷樓說影園

三月十五夜同李芳生汪善卷顧不盈集影園待

影園瑣華集
月石上共用稱字

徐穎

水雲洗花氣苔石澹如冰共惜此春影自知非夜燈
徑摹盤谷序洞合玉勾稱開我竹西閣窅然心蹟澄
秋夜過影園奉投

孫

竹

稚君宣城人

水香花樹外書閣坐秋空鶴啄池邊綠蝶飛草際紅
幾朝盤谷路一往剡溪風名爲康成誘心魂寄此中
秋初夜集影園時超宗客白門留憶

姜垓

野水抱城闔幽棲饒一身入門山鑿壁落葉徑成茵
湖上曾看月蘆中若有人經過盡相失戲作主酬賓
其二

設心壑與邱出沒在中洲明月不相待良人安得休
翠林疎遶岼芳芷佩當秋茲夕空懷抱蕭然見客愁
題影園

徐遵湯

仲昭江陰人

槿門晝扃松逕夜巡流者是月停者是雲飛者是石

止者是津潭中見竹檻上浮蘋陸舟水屋覺做夢真
詩空畫實酒醒茶醺暑閣先秋冰谷長春一室非邇
千古如新愁來忽笑情至或顰山河幻泡魚鳥主賓
花開何果葉落何因是影中影問影園人

訪影園

史在醇

更生
江都人

勝尋當暇豫霜天景物初撫茲三徑候疲策已云疎
遐想園中客天際烟雲紆江汜接優游草樹紆田廬
探討別有致松桂將焉如溫經謹三餘夜讀盡素書

野靜水雲淡沉無耕與鋤因知物外情放浪凌紫虛
遲迴舊書幌午吹共蘧蘧

題影園步梁飲光韻

沈元龍

長升
吳江人

一水溶溶浣俗情臨郊野築貯幽清簷前松竹連三
徑座右圖書抵百城北海開尊唯喚友南宮拂石亦
題名煙嵐勿道耽岑寂邱壑胸中有甲兵

其二

桐和疎竹影離迷位置參差自不齊醉月欲遲蝴蝶

舞臨風愁聽子規啼當窗石壁朝烟泛隔浦漁舟野
火低扃戶勿令遊屐擾雙雙語燕自啣泥

又步李某韻二首

谿山點染足清幽物外桃源枕玉勾石季豪情金谷
滿王維孤韻輞川收澄澄月夕花前晝拂拂秋風雨
後秋澹放梅英輕漾柳倚欄疑在古瀛洲

長者高風仰太邱窺園不羨五湖遊層層嵐壑封雲
足筆筆丹青倩虎頭燕雀繞簷機想盡藤蘿鋪徑野
烟浮天邊紅杏薰風綻偶別柴關看玉樓

庚辰初夏集影園同秦子韜顧修遠周我容送萬
茂先應詔北上限高程二字

陳名夏

花路氤氳集鳳毛野苹旨酒客將翱正憐處士聲多
僞偏喜徵君譽自高明月百城移錦帶房星千里步
蘭臯豫章今日無幽草當世誰能比奏刀

坐臥菰蘆自采榮投車通德廢逢迎客懷燕里三千
牘我鼓龍門一再行既許星辰親帝座何能汗漫避
時名蒲輪初起多嘉事當戶榴花照水程

影園留別用陳百史韻

萬時華

相逢呼酒攬蓬蒿
林水翳然照短袍
書帶遶青通德里
畫欄分碧廣陵濤
柳隨曲岼春無限
石侮空亭氣自高
幾載題詩頻憶此
入門行坐費周遭

園林賓主各孤清
倚樹科頭罷送迎
雲影撲簾騎舞蝶
歌聲近戶間初鶯
愁當落日催移席
又感寒朝促去程
莫道帝城風物好
客懷難是別離輕

題影園

汪立賢

希伯歙縣人

岼柳垂陰徧溪風
灑面涼不知山內外
宛在水中央虛閣送高鳥
孤亭覓夕陽還看題墨濕
後賞未能忘訪超宗先生於佳要堂

汪應宣

汝為休寧人

岼艇菰蒲際來尋谷口風
啓扉欣見接命賞意難窮
坐列平林暮襟期清漢通
阮生休浪侈持世厭杯中

胸山寄題影園

孫復道

日乾武進人

兼葭爲國柳爲城抱道先生正後生湖上妓叅新玉
局泥中婢識舊康成沿堦花草無凡種扣戶舟車半
盛名我亦數番臨虎石留題不及寄題清

影園卽景

强惟良

真長

淇園一幅小栽林水石縈紆致獨深把臂固應還我
輩古煙幽月共蕭森

竹徑

蒼茫風雨際江天釣舸流歌響節舫夢起捲簾看漠
漠一行鴻鴈下秋煙

蘆中

曲檻烟迴柳度風戲魚珠藻碧流通灘聲昨夜添溪
水鏡裏時時下飲虹

月梁

柳眠晴日午煙銷樓上青山看不遙浩劫湧飛山色
裏寶幢珠彩欲干霄

塔影

閣裏雲生閣外寒颺空迷遠思漫漫東風幾度蒼虬
過化作鳴泉百道看

雨閣

礪冰新響動春泉破笑梅花暎曉烟水部擬分東閣
賦客來孤鶴是逋仙

梅礪

梁應圻

雨浥煙籠玉露零豈緣秋色老沙汀清陰半畝凭為
几漏罷還聞吠月鈴 梧院

芙蓉的的葉田田人面如花花可憐為伴紅香拋不
得夜深猶自傍磯眠 荷磯

蕭疎岬草盡含秋明月如霜覆淺洲為是主人溫勝
玉簫葭故故晚香留 蘆中

宛轉朱欄界水隈涼颺搖颺逐簷迴披襟擁膝橫琴
坐不用高登五仞臺 風廊

翠虬青雀踏波澄日日江南唱採菱停泊每容劉尹

覓泳游嘗共李膺乘 畫船

香含粉練色披銀開向幽崖及上春不惜芳馨頻折

贈知他同是素心人 梅磧

池色琉璃淨不昏銜將金碧漾波痕尋常舉手臨流
弄萬丈毫光如可捫 塔影

李之實 若虛 江都人

翩翩彩鷁與雲浮簫鼓喧闐起素鷗新水綠波清見

底蘭橈不動鏡中秋 畫船

水竹比鄰相對開溪翁方理桔槔來相逢不話桑麻

事爲問澆花日幾回

鄰圃

梁于涖

滿地碧雲流小院正亭午偶聞落子聲樹下碁誰賭

桐院

委蛇堤何長兩邊種高柳春來處處花吹香滿綠酒

柳堤

隔浦樓臺出連村草樹迷相邀鬪茶去不覺日沉西

鄰圃

橋上度幽人橋下落明月幽人橋外行明月波中出

月梁

衲子蒲團羽客琴幾回掃石了閒心眼前坐臥平如砥何事尋山深又深

石上

東海菰蘆一異人行吟澤畔絕囂塵近來肯與溪翁

話旋折葦花煮白蘋

蘆中

泛泛悠悠一葉輕漁童盪槳水痕清出游深覺儵魚

樂總有輪鈞釣不成

釣船

空水澄鮮似不流浮屠倒影臥龍湫分明捫得松枝筆直向銀河寫素秋

塔影

徐宗道

性之江都人

水落蒹葭見遠洲
寒蟲入夜響磯頭
風荷露蓼俱零亂
併作林塘一段秋

蘆中

危梯百級費躋攀
樹杪泉飛杳靄間
欲剪浮嵐歸尺幅
煙雲失却米家山

雨閣

團陰植立暗凋楹
小院沉沉爽自生
繞幕翠雲敷曉色
滿堦珠露滴秋聲

桐院

林際遙遙見畫屏
霧鬟煙黛影冥冥
不知誰爲開縑素
掃出江天幾疊青

遠山

閻汝哲

明之江都人

欸乃聲聞空翠間
畫船遙載夕陽還
紅妝醉倚闌干處
月印溪流烟水閒

畫船

彩暈晴霞暮靄收
香風帶雨半池秋
磯邊不碍閒來往
乞與真人一葉舟

荷溪

蒹葭秋水碧雲灘
去折蘆枝作釣竿
無意弄絲閒坐石
游鱗不避月鉤寒

漁釣

社集影園賦得今日良宴會

李之實

綠水環城圉園亭納薰風翕然集良晤神情雅相通
列坐石齒齒顧我心蓬蓬感時思以遠拊景語詎工
游魚响澄波水華媚晚紅涼生竹樹陰香引勸酬中
仰視河漢寬俯憐荆榛叢幽懷難具陳欲寫將無同
執手須盡歡清尊猶未空留連意彌劇海月升天東
超宗招集佳要堂同黃叔闇顧不盈得成字

劉同升

晉卿
江西吉水人

偶然三兩客深酌話平生看譜惟評石開門記在城
茶瓜分露冷池館貯涼輕一葉庭前下羈思詩未成

題佳要堂石山用前韻

邱壑疑從潑墨成小移雲岫近檐楹蒼苔下點松寮
景袍笏還同石丈盟花外有茵宜藉月竹邊無暑不
知晴高齋永日君多暇碧椀黃柑座上清

題佳要堂和劉晉卿韻

顧爾邁

蔣詡年來逕已成叢篁搖碧亂前楹文尊莫視尋常
事詩板將申次第盟此地一邱兼一壑於時宜雨復
宜晴非關別館秋風早人是冰壺暑自清

黃裳吉

叔闇
湖廣長沙人

酥雨纔過爽氣生
風流讌集此宵清
名花雅負高人致
放鶴還尋舊主盟
石洞臥雲留淨榻
薜蘿挂月照殘枰
飛觥頓覺閒情遠
詩思何須刻燭成

五日社集影園分韻

茅元儀得巖字

平生趁逆帆不怪子蘭讒
未足供孤笑何為厭老饒
紛紛臨逝水踽踽傍虛巖
此意同人共風期自不凡
黎遂球得陽字

十年三往復今日更蒲觴
豈有窮途淚偏緣弔古傷
龍舟隋帝沼客舍鄭公鄉
續命憐知己葵榴手自將

萬時華得憐浮二字

丈夫難得意節序易相憐
幸有同心侶俱停異國船
穿波懷駱詠鬪艦憶隋年
莫作湘纍怨吾家向舊傳
聞說邗關外簫聲亂碧流
如雲追殿腳照日聚江頭
枕席鶯無賴菖蒲蟻自浮
可知多病客花月負揚州

冒 襄得巢字

幽居感搖落寥寂不成爻
幸值天中節欣逢世外交

景園瑤華集
稱詩情有寄格物理無淆小憩吾安此何須戀樸巢
陳丹衷得龍淮二字

羈疎可過從歸事集芙蓉野眼前書困空園旅節逢
天高閒芷菹煙濶慎蛟龍邗水自茲去湘波今幾重
長河林木外桺影羃茆齋好友一爲共古人深與懷
蒲葵驚楚序燈火學秦淮斷飲焚騷後嗟余今可偕

下榻影園三首

徐穎

楊柳路不盡水亭當荻灣屏留竹西月樓寫江南山

歌吹度么鳳道心隨白鷗如何風雨夕有夢輒思還
自我三年隔沿溪竹樹高嘯臺摹洛下酒社紀東臯
頗愛漁舟靜寧忘灌者勞河源雖百折終化廣陵濤
采采猗蘭操芳香欲寄誰古人昨日事流水暮年思
鳥路青雲直花房雪藕遲翻嫌武陵隘難與外人知
賦得影園樹中月

幽暉疑畫裏楊桺石橋橫老眼方多翳空奩忽半明
雲天如有恨萍水自無情直作秋燈看仙人碧落行

影園孤鴛

景園珍華集
七
峽江不見楚雲歸秦女牀空爲卷衣爭說成行三十
六風波猶逐雉朝飛

影園秋漲

一雨忽徂暑自惜非農時水澤旣滿腹菽黍亦漸滋
東臯久無饑我田蕪不治及此理漁事將以慰所私
濁河多風波亂我手中絲卷釣謝秋漲毋爲鷗鷺疑
影園留別
空壘倒置殘書在風雨一江人又歸他日行雲期不
得輒從山水憶元暉

題影園

陳

素

澹仙
浙江桐鄉人

靜沁宜別業虛亭納羣芳時花開鏡中秀竹延波光
怪石流霞采禽魚泳暗香明月嘗滿樹遙巒亦在窗
懷哉我鄭子海岳宏胸裏清神立寒冰舉步方先軌
文章藐衆趨意氣託古始逝水日粼粼浮雲颺以輕
雲水亦時緼深山皆俗營高譽有附會嚶求鮮真聲
何如影園者近郭偏至清納交盡名流相將無世情
陳子吏珂井拙迂徒自警所幸邀初盟濯煩借千頃

桐翠上高空鳴鳥翔遐嶺我懷園中人月几梅花影
春陰集超宗影園

朱國弼

右衡撫寧人

鳩鳴雨欲吹載酒得相隨隔岼雲連竹當軒水入池
幽多從逕曲山遠縱眸遲更是同聲氣深酣自所宜
同姜如須集超宗影園得七虞

趙進美

韞退龍水人

虛亭野色映葑蘆皂帽青尊意已殊誦讀何人惟大
畧行藏對客且高呼疎林共遶煙仍澹亂水纔通石

愈孤蠟屐從容幽望遠晚風啼鳥下平蕪

暑甚偶憶超宗園居率此奉問

鹿牀蕭瑟倚茅亭散髮攤書戶自扃長日樹陰蟬嘒
嘒微風石氣水泠泠獨居應作愚溪對客至先觀退
谷銘載酒若尋阮孝緒滿林疎雨可同聽

超宗春日招同汪善卷徐巢友李芳生集影園石
上待月調得慶春澤

顧爾邁

柳市南頭桃源深處游人不道人間雲捲烟收隔江

送過青山曉窗消受笙簧足綠陰裏黃鳥綿蠻客來
時茶熟香清鶴啓柴關 溪花徑草留春豔問春何
碌碌水自閒閒掃石題詩幾回得句重刪平岡不斷
浮蒼翠夕陽紅飛照酡顏待波心湧出琉璃好弄潺
湲

過影園故址弔兵部鄭超宗 附刻

朱潮遠 卓月江都人

武部聲名著文園水石存生能全友誼死以重君恩
詩痛樽前淚香招月下魂可憐三傑盡舊事不堪論

甲申以前時人以超宗飲
光開先目為廣陵三傑云

過影園感弔職方鄭丈

陳無競 江都人

荷磯竹徑草離披憑弔風流谷口思領袖藝林羣犬
吠指麾將畧萬人疑方期貢禹彈冠日忍見康成夢
已時回首蕪城歌吹絕寒鴉喧聒淚雙垂

和前韻

胡天河 子蕃江都人

雅集流香不忍披名園水影動人思于今直節嘗多

景園瑤華集
謗自古閑才卒見疑
灑翠亭前秋雨夜
玉勾堂外夕陽時
林間寂寂尚書履
廢讀招魂涕泗垂

過影園有感

章

燦為星
江都人

北郭接西山遊人發
深慨園中水自流
影內人何在大地盡
劫灰何惜此塵塊
留與漁樵翁唏噓
抒積歎弔影園詩

李祉修

荒園仍向影中尋
斷碣題名苔蘚深
黃牡丹詩誰唱

和白楊柳暮那陰
森習家池館多留客
顧氏園林憶聽禽
勝地從來還弔影
石墻脚下幾回吟

尋影園舊址

汪楫舟次

園廢影還留尋來正
暮秋夕陽橫渡口
衰草接城頭詞賦
四方客繁華百尺
樓當時有賢主誰
不羨揚州

陳維崧

其年
宜興人

影園門外倍淒其
彷彿園中百事宜
路是鮑昭曾賦處
人歌杜牧舊題詩
碧波小瀉春前影
紅袖低攀月

影園瑣事集 三
底枝自是關城軍馬動一尊腸斷鄭當時

吳嘉紀 野人

影園即此地何處認荆扉冷落廢墟在一雙新燕飛
草香過細雨峰遠帶餘暉回首思賢主賓來每似歸

影園者先高王父職方公別業也園地在
今甘泉城南去古渡橋不半里而近
公少時嘗讀書園中當代名流道經邗上
靡不過從唱酬以故四方人士未有不知
揚州影園者厥後園中開黃牡丹一枝賓
朋滿座各賦七言律詩公悉糊名易書
送虞山錢宗伯評次以嶺南美周黎君十
律為最公鑄金觥一雙內鐫黃牡丹狀



欽定
禮記
卷二十七
季冬月重刊



